



Na osnovu člana 55. stav (2) Poslovnika Predstavničkog doma Parlamentarne skupštine BiH ("Službeni glasnik BiH", br. 79/14, 81/15 i 97/15) i člana 45. stav (2) Poslovnika Doma naroda Parlamentarne skupštine BiH ("Službeni glasnik BiH", br. 58/14, 88/15 i 96/15), Parlamentarna skupština Bosne i Hercegovine, na 23. sjednici Predstavničkog doma, održanoj 12. januara 2016. godine, i na 14. sjednici Doma naroda, održanoj 9. februara 2016. godine, donosi

ZAKLJUČAK

o osnivanju Privremene zajedničke komisije oba doma Parlamentarne skupštine Bosne i Hercegovine za provođenje procedure za imenovanje jednog predstavnika akademske zajednice u Komisiju za izbor i praćenje rada Agencije za prevenciju korupcije i koordinaciju borbe protiv korupcije

Član 1.

Osniva se Privremena zajednička komisija oba doma Parlamentarne skupštine Bosne i Hercegovine za provođenje procedure za imenovanje jednog predstavnika akademske zajednice u Komisiju za izbor i praćenje rada Agencije za prevenciju korupcije i koordinaciju borbe protiv korupcije (u daljnjem tekstu: Komisija).

Član 2.

U Privremenu zajedničku komisiju iz člana 1. ovog zaključka iz Predstavničkog doma imenuju se poslanici:

1. Mirsad Đonlagić,
2. Predrag Kožul i
3. Borislav Bojić.

Iz Doma naroda imenuju se delegati:

1. Ljilja Zovko,
2. Darko Babalji i
3. Halid Genjac.

Član 3.

Zadatak Privremene zajedničke komisije je da provede proceduru oglašavanja za člana Komisije i domovima predloži kandidata iz člana 1. ovog zaključka radi imenovanja.

Član 4.

Ovaj zaključak stupa na snagu kad ga u identičnom tekstu usvoje oba doma Parlamentarne skupštine Bosne i Hercegovine, a bit će objavljen u „Službenom glasniku BiH“.

Broj: 01,02-50-14-1654/15

9. februara 2016. godine

S a r a j e v o

Predsjedavajuća
Predstavničkog doma
Parlamentarne skupštine BiH

Borjana Krišto

Predsjedavajući
Doma naroda
Parlamentarne skupštine BiH

mr. Ognjen Tadić